

Ko nga tangata e whitu e mau ake nei nga ingoa i raro he tangata i kowhiria e nga tangata nona te whenua, i roto i a ratou, hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Te Whaiti i te 28 o nga ra o Maehe, 1907.

1. Harehare Ahuriri.
2. Te Marunui Rawiri.
3. Hahona te Okoro.
4. Te Wharepapa Peita.

5. Te Wharehuia Heta.
6. Haare Haare.
7. Peraniko Kapeta.

GILBERT MAIR (Tawa).
D. F. G. BARCLAY (Pakere).
PARATENE NGATA.

PAREKOHE PORAKA.

Piira Nama 163.—A Waaka Paraone te Ranui me etahi atu. He whakauru i etahi ingoa tangata hou tekau ma whitu, mo tetahi wahi o Parekohe Poraka e karangatia nei ko Te Pohue te ingoa. A i te mea kaore he kai-whakahe, no reira kua mahia a kua apititia atu e matou he rarangi e whakaatu ana i o ratou ingoa—timata atu i te Nama 704 tae noa ki te 720, me nga hea mo ia tangata o ratou—ki te whairu o nga pukapuka o Parekohe Poraka, a e tohutohu atu ana matou ko o ratou ingoa me o ratou hea me hono atu ki te ota, mo taua wahi anake o Parekohe Poraka e karangatia nei ko Te Pohue.

Piira Nama 164.—A Hakeke Tamaikoha me etahi atu; he whakauru i te ingoa o Wharerata Paiaka (f. a.) ki te ota, kia tekau nga hea mona. Kaore he kai-whakahe mo tenei tono; no reira kua apititia atu e matou taua ingoa—Nama 721—ki te rarangi ingoa e tapiri nei ki te whairu, a e tohutohu atu ana matou me whakauru atu taua ingoa ki te poraka nui mo aua hea kotahi tekau i tonoa mai nei.

Piira Nama 169 me 170.—A Hori Aterea me etahi atu; he whakauru i etahi ingoa tangata hou e ono ki te ota. Kua whakaaetia tenei tono, kaore he kai-whakahe; no reira kua apititia atu e matou aua ingoa—timata atu i te Nama 722 tae noa ki te 727—ki te rarangi e tapiri nei ki te whairu, a ka tohutohu atu nei matou me whakauru atu ratou ki te ota mo te poraka nui mo nga hea e mau na i roto i taua rarangi.

Piira Nama 171.—A Tuhitaare Heemi me etahi atu.

Piira Nama 172.—A Mehaka Tokopounamu me etahi atu.

Ko enei piira e rua i unuhia mo te taha ki nga kai-piira; a i te mea kaore he kai-whakahe, na kona ka tohutohu penei atu nei matou me whakakore atu enei piira.

Piira Nama 165.—A Hinchau Hapeta me etahi atu; he whakauru i etahi ingoa tangata hou e wha tekau ma ono. I whakaaetia tenei tono kaore he whakahe; no reira kua apititia atu e matou aua ingoa—timata atu i te Nama 728 tae noa ki te 773—ki te rarangi ingoa whakauru e tapiri nei ki te whairu, a ka tohutohu atu nei matou me whakauru atu ratou ki te ota mo te poraka nui o Parekohe mo nga hea e mau na i roto i taua rarangi.

Piira Nama 168.—A Tamehana te Puia me etahi atu; e tono ana kia whakanukuhia ake nga hea o etahi tangata e toru tekau ma toru i roto i te ota. Kua whakaaetia tenei tono, no reira kua apititia atu e matou he rarangi e whakaatu ana i nga nama e mau na i te taha o ia ingoa kotahi o ratou i roto i te ota, me nga hea whakanuku kua whakaaetia mo ratou, ki te whairu o nga pukapuka o tenei poraka; me ta matou nei tohutohu atu me whakanuku pera ake o ratou hea.

Ko tetahi wahi o tenei piira e tono ana kia patua atu nga ingoa o etahi tangata i roto i te ota. A i runga i ta matou ata uiui me ta matou ata whiriwhiri i nga korero kitea iho ana e matou ko nga kupu whakahe i whakaaria mo aua tangata kaore i u. No reira ka tohutohu penei atu matou ko tera wahi o tenei piira me whakakore atu.

Piira Nama 166.—A Mika te Tawhao me etahi atu.

Piira Nama 167.—A Akuhata te Kaha me etahi atu.

Ko enei piira e rua e whakahe ana ki nga ingoa o etahi tangata i whakaurua ki te ota tuatahi, a i ata uiuia i ata whakahaerea e tenei Komihana.

Otira ko te kai-piira nei ko Akuhata te Kaha i roto i te whakahaerenga o tenei uiuinga i whakareere i tana Piira Nama 167, no reira e tohutohu penei atu ana matou me whakakore atu taua piira.

Ko te Piira Nama 166 i whakahaerea e matou a mutu noa, tae noa hoki ki te keehi whakahe mo taua piira; a i runga i te ata whiriwhiri marire e penei ana ta matou whakaaro, i runga i te mea ko aua tangata e whakahengia nei e nga kai-piira kaore i whakahengia e ratou i te wa o te Komihana tuatahi, a i te mea hoki e mohiotia ana he paanga ano to aua tangata e whakahengia nei ki te wahi o te poraka e karangatia nei ko Otarupua, no reira ko te keehi whakahe e whakaaria mai nei i naianei me nga rarangi ingoa i tukua mai nei i raro i taua keehi e Akuhata te Kaha raua ko Mika te Tawhao, me hinga, me te piira me whakakore atu, a e pera ana ta matou nei tohutohu atu.

Ko nga tangata e whitu e mau ake nei nga ingoa i raro he tangata i kowhiria e nga tangata nona te whenua i roto i a ratou hei mema mo te Komiti Hapu mo tenei poraka, a i whakaaetia ano hoki e